



15913

holkamp

I Mag. St. Dr. P

Gostkowski Michaelis Alberti: Conclusiones

Juris utriusque de iustitia et iure —

2404 *Paul.*

D. O. M. A.
CONCLVSIONES
IVRIS VTRIVSQUE.

Ex can: Ius. 1. Dist: & L. 1. ff.

DE IVSTITIA ET IVRE.

Iuncto §. 1. Instit: cod. & sequen.

Q V A S

Sub Præsidio Consultissimi & Clarissimi Viri Domini,

D. M. STANISLAI POMORSKI I. V.
Ordinarij Professoris Collegæ DD. Iureconsultorum
Augustissimi Collegij Vniuersitatis Crac: In Col-
legio Lubranstiano Studij Academici pro tunc
DIRECTORIS.


Proponet ad Disputandum

MICHAEL ALBERTVS GOSTKOWSKI I. V. CAN-
didatus, Præpositus S. Spiritus in Mieyska Gorka in Lectorio DD.
Iurisp. Mensæ Die Hora.

POS N A N I Æ,

In Officinâ Ioannis Rossowski, Anno 1 6 2 2.

In Arma antiquissimæ Familiæ Włostouiorum.



C. R. BIBLIOTHECA
VNIU. IAGELL.
CRACOVIENSIS

15913 I

*Hic mihi de rutilo esse aries censeatur Olympo,
Quo Włostouiacus stemmate fulget honos.
Nam velut ille facit florentia tempora ueris:
Vernat & hac magno semper honore domus.*

Stanislaus Pruski
Stud. Póéf.

Illustri & Magnifico Domino,

D. VENCESLAO WŁO.

STOWSKI CASTELLANO

Kriuinensi dignissimo Domino & Mecœnati
suo colendissimo,

P. F. P.



DE Ariete, Illustr. & Magnifice Domine, cuius etiam imaginem Vestra inclita vetusquæ Familia pro symbolo accepit, varij varia memoriæ prodiderunt. Higinus cum Mythicis tradunt Phryxum Athamantis Thebanorum Imperatoris filium, insidias nouercales fugientem Colchos in ariete aurei velleris cômigisse, eumq; Ioui traduci in signum gratitudinis immolasse, atq; adeo arietem ab ipso Ioue inter sidera cœlestia relatum, primum inter signa Zodiaci locum obtinuisse. Herodotus in Polymnia ait eundem Phryxum dum Colchos nauigaret, propter laboris diuturnitatem, & itineris longitudinem in promontorio Brixaba conqueuisse; imminetibus verò illius exitio piratis ab hoc ariete excitatum fuisse, atq; ita Colchos incolumem peruenisse. Alij qui non ita procul ætate ab Herodoto recesserunt, inter quos fuit Didymus, dixerunt Phryxo ad eligendum pulcerrimam in sacrificium victimam, missi Iouis consilio arietem locutum fuisse, atq; omnes nouercæ insidias patefecisse. Quare ille incolumitati suæ prospiciendo, tergori arietis insidens, in remotas se transtulit regiones, ac Dijs postmodum apud fluuium Phalim illum arietem, vt mater sibi significauerat immolauit. Inter has dissentientes Authorum sententias; duo sunt in quibus omnes consentiunt. Alterum est, quòd agnus ille aureo vellere præditus fuerit; alterum quòd Iouis munere primum inter duodecim signa cœlestia locum acceperit. Hoc idem signum æquinoctiale & regale appellatur, à Græcis verò Kriôs dicitur, quia vbi Sol eius punctum attigerit, inter diem & noctem iudicium quodam modo facit, eosq; in duas partes æquales dispeicit, atq; verno tempore ianuam aperit: Ver enim initium accipit Sole in arietem ingresso, vt Author est Firmicus Maternus, & omnes ferè qui orbium cœlestium conuersiones speculantur. Sed

A 2

quor-

quorum iste plusquam sufficiens sermo de ariete? Nempe ut rationes inliti-
 ti mei faciliori via in propatulum exeant. Est mihi Illustr. & Magnifice
 Domine certamen propositum cum nouerca scientiarum ignorantia, multas
 video technas, multas insidias, quibus me circumuenire conatur. Quocirca
 ad Arietem Tuum confugio, simulq; auxilium exposco, ut illius opera in
 portum tranquillum deuenire possim. Potuit ut ingeniosa vetustas finxit
 Phryxus in ariete nouercæ insidias effugere: Spem & ego magnam habeo me
 ius Illustr. & Celeberrimæ Familiæ Vestræ signo hanc dimicationē feliciter
 confecturum. Neq; enim is sum, qui velim in his de ariete figmentis veritatē
 Historicam requirere, arcana sunt omnia apud Pœtas, & à sensu imperitæ
 multitudinis remota; sed tamen incredibilem artificium aut mores hominum, ad
 optimam viuendi regulam dirigunt, aut facta virtutesq; Illustrum Heroum
 sub inuolucrum tegumento ad euitandos inuidia morus celebrant. Itaq; &
 in præfenti negotio, Virum mihi videntur iustum, prudentem, & magnani-
 mum, in hac de Phryxo narratione depinxisse. Quandoquidem in Ægyptio-
 rum Hieroglyphicis omnes istæ virtutes sub effigie arietis intelligebantur, &
 ratio ipsa vniciq; idem ostendere manifestè videtur. Quis enim tam cre-
 dulus est? qui perfectâ hac de homine nouercales insidias fugiente historiam a-
 cturum illū arietem tanquā equum conscendisse, & nō potius prudentiæ adiu-
 mento, usum fuisse credat? siquidem nulli Pegasi aut Cillari ita sunt ad eui-
 tandas insidias, quàm vnus prudentiæ lumen idonei. Quis item est tam hebes
 qui non animaduertat per cornua arietis fortitudinem significari? Per illud
 verò quod iudicium inter diem & noctem faciat, inq; duas partes æqua-
 les diuidat, iustitiam. In cœlum deniq; relatum esse arietem, quis aliter in-
 terpretari velit? quàm hominibus iustitiâ, magnanimitate, prudentiâq; ex-
 cellentibus, qui patriam huiuscemodi virtutibus adiuuerint, auxerint, or-
 nauerint, certam esse ac definitam in cœlo sedem, vbi beati æuo sempiterno
 perfruuntur. Atq; ego Illustr. & Magnifice Domine non aliam ob causam
 Vestræ Nobilissimæ Familiæ arietem esse pro stemmate donatum arbitror;
 nisi quia istis virtutibus singulari quadam ratione in Rep. clarescebat, quem-
 admodum etiamnum cum magna Patriæ consolatione claret. Quam-
 obrem cum meos quoq; conatus in defendendis istis virtutibus vides, Bene-
 uolentiæ Tuæ scuto protegere velis. Hac ratione & Academiam Tuo
 Amplissimo nomini addictissimam, & parentem meum carissimum, quem
 semper eximio fauore & beneuolentiâ prosequutus es, recreabis.

Vest. Ill. Cæl. addict.

MICH. ALB. GOSTK.
l. V. Cand.

CONCLVSIONES

IVRISVTRIVSQUE.

Ex can. Ius. i. Dist. L. i. ff.

DE IVSTITIA ET IVRE.

Iunct. §. 1. Instit. eodem & sequent.

CONCLVSIO I.



Iustitia est dicta, quasi vim sistat, vel, vt alij, quasi lus sistat. aut vt Isidorus, in c. forus, Ext. de verb. signif. quasi luis status, eo quòd in ea lus ster-

II.

Iustitia est constans, & perpetua voluntas ius suum unicuique tribuendi. l. iustitia, ff. cod.

III.

Humana Iustitia, de qua nos hic agimus, ad mentem sapientum, diuiditur in vniuersalem & particularem. Vniuersalis est, quæ omnes in se virtutes complectitur, de qua Philosophus. Particularis est, Ciuilis & Politica quædam, quæ IC. propria est, & hæc à DD. nostris diuiditur in distributiua, & commutatiua.

A

Distri-

III.

Distributiua utimur in honoribus, poenis, muneribus, & alijs id genus, in quorū distributione personarum, & rerū, qualitas attenditur, secundum proportionem Geometricam. Commutatiuam adhibemus in contrahendis vltro citroque negotijs, in quibus nulla gradus, aut personarum ratio habetur, sed res rei simpliciter confertur. idque seruatā proportio ne Arithmetica.

V.

Ius est ars boni, & æqui, hoc est, exercitium boni & æqui viri, in colenda iustitia. In iure enim, veluti in quodam Sacro iustitiæ templo versamur.

VI.

Vtrum Iurisprudentia sit diuinarum, atque humanarum rerum notitia, iusti, atque iniusti scientia. Problema facio.

VII.

Iustitia vult unicuique suum tribuere: Ius coadiuuat, & Iurisprudentia docet, qualiter illud fiat. Ad mentem Accursij.

VIII.

Iuris præcepta sunt tria. Honestè viuere; Neminem lædere; Ius suum unicuique tribuere. l. iustitia § 1. ff. eodem.

dem. Ex his tribus præceptis, tanquam ex uibus fontibus omnes leges emanant.

IX.

Iuris prudentia tradenda est à principio leui, & simplici uia, & postea diligentissimâ, ac exactissimâ interpretatione. Et hoc, ne studiosus varietate rerum oneratus studia deserat, multos enim diffidentia ab huiusmodi studio, plurimum auertere solet. Hinc refert Faber quatuor esse hostes, qui Scholasticum iuuenem impugnant. Timor difficultatis, terror prolixitatis, pauor aduersitatis, & tremor instabilitatis. Primus impugnatur magnificentia & magnanimitate. Secundus conteritur fiducia & securitate. Tertius sustinetur patientiâ. Quartus repellitur perseuerantiâ.

X.

Primum præceptum honeste uiuendi, propriè ad mores pertinet, ut omnes nostræ actiones ita instituantur, quemadmodum ratio suadet, & ne quid contra honestatem faciamus, sed semper non solum quod licet, sed etiam quod honestum est, spectemus. l. non omne. & l. semper ff. de reg. iur. c. 1.

XI.

Secundum præceptum pertinet, ad conseruationem humanæ societatis, ne alter alterum offendat. Quæ uerba licet ad corpus uideantur referri, tamen intelliguntur de

tur de quacunq̄ue offensione, siue in corpore, siue in fama, siue in bonis facta sit. Nam fama & vita æquiparantur. Et bona, altera hominis vita censentur, ita Gl. & Dd. in l. aduocati. verb. vitam C. de aduocat. diuers. iudic.

XII.

Q Vi dolo & ex proposito alterum occidunt, supplicio capitis ultore gladio prostrati feruntur, & hoc siue armis fecerint, siue veneno, siue per maleficia, siue ministerio linguæ: vt cumquis præmijs corruptus, iniuste aliquē ad mortem condemnat. l. Lex Iul. §. final. ff. ad L. Iul' repetund: vel falso testimonio ad mortis condemnationem adigit, l. i. ff. ad L. Cor: de Sicarijs.

XIII.

Q Vi libellum siue carmen ad infamiam alicuius componunt capitis pœna puniuntur, non ipsi tantum, sed etiam quicumque eum libellum inueniens, manifesta-uerit, l. vn. C. de famosis libell.

XIV.

Q Vi furto alterius res auferunt, ex consuetudine orbis totius recepta, ultimo supplicio damnantur. Tot Rubr: ff. & C. de furtis.

XV.

Offen-

Offensio non solum alterius, sed nec etiam sui ipsius licita est, quia præceptum illud diuinæ legis, Non occides, se ipsum occidentem comprehendit. Can. si non licet 23. q. 5. Et ratio est, quia nemo est dominus membrorum suorum, & non maius ius in proprium, quàm in alterius corpus quisq; habet l. liber homo ff. ad Leg. Aquil.

XVI.

Tertium præceptum pertinet, tam ad distributiua, quàm ad commutatiua iustitiam, & sic tam personas quàm res respicit. Distributiua versatur circa distributionem pœnarum & præmiorum, proportionè Geometrica. Commutatiua pertinet ad æqualitatem seruandam in contractibus, & commutatione rerum proportionè Arithmetica.

XVII.

Ius duplex; publicum, & priuatum. Publicum principaliter spectat ad statum Reipub. Rom. Priuatum ad singulorum vtilitatem refertur l. 1. §. huius studij ff. eod.

XVIII.

Priuatum Ius collectum est, ex præceptis aut Naturalibus, aut Gentium, aut Ciuilibus, Atque sic Ius est triplex, Naturale, Gentium, & Ciuile.

XIX.

Ius naturale est, quod natura omnia animalia docuit, &

A 3

homi-

hominibus cum brutis commune est l. 1. ff. eod.

XX.

Iuris Naturalis effectus sunt tres, Maris & fœminæ cōiunctio quatenus instinctu naturæ feruntur Liberorū procreatio. Nihil enim teste Arist. 2. de Anima. magis nos natura docuit, quam generare & procreare, aliud nobis simile in specie, vt immortalitatem, quam in indiuiduo non possumus, saltem in specie conseruemus: cum autem non omnis maris & fœminæ coniunctio licita sit, quoad homines l. semper in coniunctionibus ff. de Reg. Iuris Matrimonium est introductum. 3. Educatio, ad quam quodlibet animal naturalis stimulus hortatur, & voti paterni est, liberis parare, & locupletare eos.

XXI.

Ius gentium est, quod apud omnes æqualiter custoditur, & obseruatur.

XXII.

Effectus Iuris gentium sunt, Religio erga Deum, pietas erga Parentes, defensio sui ipsius, l. vt vim vi. ff. eod. Quod autem lege permittente fit, rectè fit, nec poenam meretur, l. Grachus C. Ad L. lul: de adult. Dum modo defensio sit ^{cum} moderamine inculpatæ tutelæ. Bella ad puniendos fontes, ad defensionem personarum, captiuitates, manumissio, dominiorum distinctio, omnes ferè contractus & obligationes (exceptis quatuor qui à Iure
Ciuili

Ciuili ortum ducunt stipulatio, literarum obligatio, donatio propter nuptias, & contractus Emphyteuticus) pacta conuenta seruare, nihil enim tam congruum fidei humanæ est, quam ea quæ placuerunt inter nos conseruare. l. i. ff. de pactis. Hinc refert Baldus Aristotelem monuisse Alexandrum, vt promissa seruaret, alias malum finem secuturum esse. Ad extremum Legatorum non violandorum religio. can: lus gen. i. Dist.

XXIII.

IVs Ciuile, seu positium est: quod quisq; populus sibi constituit. Hinc Ius Ciu: Rom. quo nos omnes subiecti Romanæ Ecclesiæ vtimur.

XXIV.

IVs Ciuile est duplex, Scriptum & non scriptum. Scripti species sunt, sex. LEX. PLEBISCITVM. SENATVS CON: PRÆTORVM EDICTA: PRINCIPVM PLACITA: RESPONSA PRVDENTVM.

XXV.

Non scriptum Consuetudo. mores enim diuturni consensu vtentium comprobati, legem imitantur. Can: consuet: i. dist.



Faint, illegible text at the top of the page, possibly bleed-through from the reverse side.

Second block of faint, illegible text.

Third block of faint, illegible text.

Fourth block of faint, illegible text.

Biblioteka Jagiellońska



stdr0006618

